

## **Universitätsbibliothek Paderborn**

### **Opvs De Ivdiciis Divinis, Qvae Devs In Hoc Mvndo Exercet**

Accessit index concionatorius in omnes totius anni dies Dominicos & Festos, ab ipso Auctore confectus

**Stengel, Georg**

**Ingolstadii, 1651**

3. Deo proprium esse, misereri, immò summam in eo esse bonitatem.

**urn:nbn:de:hbz:466:1-45653**

*Dominus. Vnus est Dei Filius, unum Verbum, sed miseria nostra multipli-  
plex, non modo magnam misericordiam sed multitudinem querit mi-  
serationum. Forte tamen propter substantiam duplēm, qua subsistit hu-  
mana conditio, cum sit viraq, tam misera, non incongrue duplex homi-  
num dicatur esse miseria, licet sit multiplex in viraq. Siquidem & cor-  
poris & cordis nostri tribulationes multiplicatae sunt, sed ab utrisq, ne-  
cessitatibus eruit, qui totum hominem saluum facit.*

## III.

Sap. 12.1.

Ibid. v. 22.

Rom. 2.4.

*Est illius quidem & punire peccatores, sed proprium illius  
dicitur esse, misericordia semper & parcere. Quia in hac vita suam exerit  
bonitatem, in altera ostendet severitatem. Ibi ut iustus, hic, ut  
misericors vult praedicari. Cuius Misericordiam ac Bonitatem, qui  
agnoscit, næ ille nunquam in impatientiam ebullet, sed verbum  
illud bonum eructabit: O quam suavis est, Domine, spiritus tuus in  
omnibus! itemque, Cum das nobis disciplinam, inimicos nostros mul-  
tipliciter flagellas, ut Bonitatem tuam cogitemus iudicantes: & cum de  
nobis iudicatur, speremus Misericordiam tuam. Nihil de viro bono  
mali suspicamur; consilia, facta, dicta illius nunquam sinistrè ac-  
cipimus, aut interpretamur; cur suspicemur de Bono Deo? aut  
cur de illo malè cogitemus? Multum proinde refert, dinitias Boni-  
tatis eius, & patientia, & longanimitatis non contemnere, sed cura-  
tissimè expensas habere. Quia autem bonitas rei, aliud nihil est,  
quam perfectio rei, siue naturalis, siue moralis, facile est videre,  
naturalē in Deo bonitatem summam esse, cum in eo summa sit na-  
ture excellentia, per quam omnem à se ipso, & in se ipso, adeoque  
illimitatam, infinitamque habet perfectionem. Itaque in eo infi-  
nitā lux, infinita sapientia, infinita potentia, infinita pulchritudo,  
infinita suauitas, infinita voluptas, infinita beatitudo, infinita san-  
ctitas, infinita benignitas, infinita misericordia, tanquam in infi-  
nito quodam bonorum omnium Oceano, continetur. Itaque est  
fons inexhaustus omnis boni; fons fontium indiuisus, nec per  
multas formas, tanquam per riuos dispersus, sed in suāmet natura  
vnica & simplicissima hæc omnia eminentissimè complectens; se-  
ipsum implens, nec aliunde capiens mensuram aut terminum, sed  
vndique interminatus & illimitatus; cui nulla potest fieri acces-  
sio, nullum accidere detrimentum. Arbor bona potest arescere,  
vinum bonum potest expirare; gemma bona potest perdere splen-  
dorem; homo bonus potest in virtutia declinare; potuit & Ange-  
lus bonus excidere, ac fieri tērrimus cacodemon; at Consilia,*

Iij-

Iustitia, & Veritas Domini manet in aeternum; possunt ipsi coeli veterascere, at Dominus idem ipse est, nunquam senescit, nunquam deficit. Initio tu, Domine, terram fundasti, ait: & operamanuum tuarum sunt coeli. Ipsi peribunt, tu autem permanes: & omnes sicut vestimentum veterascent. Et sicut opertorum mutabis eos, & mutantur: tu autem ipse es, & anni tui non deficiunt, nec mores tui, sanè suaves, sanè boni, sanè amabiles. O homines, nolite confidere in Principibus, quorum gratia, saepe cum Sole, occidit; quorum favor, ut aura vertitur; quorum vultus hodie suavis, & comis, & amicùm arridens, cras plenus truculentia. Deus idem semper est, semper bonus, semper patiens, semper ad ignoscendum paratus; eaque est longanimitate, ut malit parcere, quam plectere.

*Divitias Bonitatis Dei*, ait Origenes, ille agnoscere potest, qui considerat, quanta in terris mala quotidie homines gerant, & quomodo penè omnes declinantes & simul inutiles facti, latam & speciosam perditionis ambulant viam. Si quis consideret, quanti in Deum quotidie blasphemant, & in celum extendunt linguas suas. Iam quid de fraudibus, de sacrilegijs & piaculis dicam? Si quis ergo hanc Bonitatem Dei, & sustentationem eius, & patientiam contemnit, ignorat, quod per hac ad patientiam provocatur. Sed vos non dissoluat hoc, & tardos, ad conuersationem faciat: quia rursus patientia eius & sustentationis certamen sura est; non in se, cum sit infinita, sed ratione nostri, quibus certam mensuram posuit peccatorū, ut etiam Iustitiae eius locus relinqueretur. Quod si faciem eius preoccupemus in confessione; si, dum extendit manum suam, dum vocat, dum annuit, non renuimus, tum bonum, tum benignum experimur. Quemadmodum enim nimbus vitreus balsamo plenus ad balsami effusionem est proclivissimus, ita infinita illa Bonitas, ob ipsam suam perfectionem, ad sui communionem maximè propendet; & quidem, natura suā, diuinis personis se totam communicat; creaturis autem liberèse communicat pro captu cuiusque. Hominum culpa est, si se non faciunt, cum diuina gratia, capaces; si fugiunt benefacere cupientem. Nam si faciem eius in confessione preoccuparent, si sua vulnera illi ostenderent; si detegerent calamitates, profectò voluntatem eius ad miseria illorum opitulandum incitatissimam reperirent. Vult enim Deus creaturæ miseriam tollere, vult illi bene esse.

I V.

Orig. in c. 2.  
ad Rom.

Eapro-